



Ku munsu w'imperuka umuntu azazanwa atabwe mu muriro, amara asohoke mu nda ye, ayazenguruke nkuko indogobe izenguruka urusyo

Hadith yaturutse kwa Usamat Ibun Zaid (Imana imwishimire) yaravuze ati: Abantu baramubwiye bati: Ese ntiwajya kwa Uth'man ukamuganiriza (ku bijyanye n'imidugararo iriho)? Arabasubiza ati: Ese murabona ko ntacyo n'ya mubwira? Mbarahiriye ku izina rya Allah ko ibiri hagati yanjye na we nabimuganirije, sinshaka kumubanza sinshaka kuba ari n'jye ubanza, kandi sinshaka kubwira umuntu umbereye umuyobozi: niwe mwiza kuruta abantu bose nyuma y'uko numvise Intumwa y'Imana (Imana iyihe amahoro n'imigisha) ivuga iti: Ku munsu w'imperuka umuntu azazanwa atabwe mu muriro, amara asohoke mu nda ye, ayazenguruke nkuko indogobe izenguruka urusyo, nuko abantu bo mu muriro bamuteranireho bamubwira bati: Yewe kanaka bite byawe? Si wowe wabwirizaga ibyiza, ukabuza ibibi? Nuko abasubize ati: Yego! Nabwirizaga ibyiza simbikore, nkabuza ibibi nkabikora."

[Hadithi y'impamo] [Yemeranyijweho na Bukhari na Muslim]

Abantu bamwe babwiye Usamat Ibun Zaid (Imana imwishimire we na se) bati: Ese ntiwajya kwa Uth'man Ibun Afan (Imana imwishimire) ukamubwira imidugararo ihari, ukagira uruhare mu kuyihosha? Nuko abasubiza ko yamuganirije bari bonyine agamije kunga atagamije guteza imidugararo, kandi intego ye atari ukwigaragaza ko abwiriza abayobozi kureka ibibi ku mugaragaro, bikaba byaba impamvu yo kubahuka umuyobozi ndetse n'umusigire w'Intumwa y'Imana (Imana iyihe amahoro n'imigisha), uwo ukaba waba umuryango w'imidugararo ikomeye adashaka kuba uwa mbere mubawufungura! Usamat arangije aravuga ati: Agira inama abayobozi mu ibanga kandi ntagire uwo abera kabone n'iyoyaba ari umuyobozi, nta n'ubwo abikundwakazaho, nyuma yaho yumviye Intumwa y'Imana (Imana iyihe amahoro n'imigisha) ivuga ko ku munsu w'imperuka bazazana umuntu bamujugunye mu muriro, maze amara ye asohoke mu nda ye kubera ubushyuye n'ibihano bikomeye azaba yatawemo, nuko amara ye ayazengurukane mu muriro nkuko indogobe yizengurutse iziritse ku rusyo ruri gusya, maze abantu bo mu muriro bamuzenguruke bamubaze bati: Yewe kanaka, si wowe wajyaga utubwiriza gukora ibyiza ukanatubuza ibibi?! Maze asubize ati: Nibyo, najyaga mbabwiriza gukora ibyiza simbikore, nkanabubuza ibibi nkabikora!

النجاة الخيرية
ALNAJAT CHARITY

